



Inatsisartuni ilaasortaq, Per Rosing-Petersen

Partii Naleraq

Søndrestrøm FIR-imi silaannartap timmisartunut ingerlaarfiup aqunneqarnerata tiguneqarnera pillugu § 37 naapertorlugu apeqquteqaat nr. 2016-114-imut akissut

Brevdato: 09-06-2016

Sags nr.2016 - 7361

Dok. nr. 10920823

Asasara Per Rosing-Petersen

Postboks 909

3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

Søndrestrøm FIR-imi silaannartap timmisartunut ingerlaarfiup aqunneqarnerata tiguneqarnera pillugu apeqqutitut, Inatsisartut suleriaasianni § 37 naapertorlugu nassiussannut qujanaq.

1. Silaannartap timmisartunut ingerlaarfiup aqunneqarnerata (Sønderstrøm flyveinformations region (FIR)) tiguneranut atatillugu, kiisalu Canadamut Islandimullu naalagaaffeqatigiit isumaqatigiissutaannik atorunnaarsitsineranut atatillugu, Namminersorlutik Oqartussat kingunissaa pillugu sukumiisumik misissueqqissaarsimanersoq paaserusunnarpoq, kiisalu Islandip Joint Finance aftale-mik atorunnaarsitsineranik aallaaveqarsinnaanerpa? Isumaqatigiissutip atorunnaarsinneqarnera Kalaallit Nunaanni tikittartut aallartartullu akigititaannut sunniuteqassanersoq paaserusunnarpoq?

Akissut:

UKA2015/166-imut aalajangiinnermi, silaannartap Islandimiit Canadamut timmisartunut ingerlaarfiup Naalagaaffeqatigiinnit tiguneqarsinnaaneranut periarfissat pillugit Naalagaaffeqatigiinnermi oqallisigineqarnerisa ingerlaqqinnissaat siunnerfigineqarpoq.

Tassalu Sanaartornermut Ataatsimiititaliap isumaliutissiissutaani suliassat ingerlanneqarnerini suna tunngavigineqassanersoq, tamannalu pissappat qanoq ilillugit aqqis-suunneqarunik naammassineqaruillu pitsaanerpaassanersoq paasiniarneqarnissaa siunnerfigineqarpoq.

Inatsisartut aalajangiinerat tunngavigalugu apeqqut danskit Assartuussinermut Illuuteqarnermullu Ministeriannut, Hans Christian Schmidt-imut saqqummiuppara, aammalu

taannalu ataatsimoorluta suliap taassuma ingerlaqqinnissaanut pilersaarusiorpugut. Maannarpiaq isumaqatigiissut taanna tunngavigalugu danskit ministereqarfiata Naalak-kersuisoqarfimmalu akornanni suleqatigiissitamik, sunniutissanik misissueqqissaarnis-samik siunertaqartumik pilersitsisoqarpoq.

Aaqqiissutissamik, Kalaallit Nunaannut aamma Kalaallit Nunaanniit timmisartuussinerit akiinut sunniuteqarnerluttussaannngitsumik nassaartoqarnissaa anguniassavara.

2. Maannakkut flyveinformations center (FIC) Nuuk imatut aningaasalersorneqarpoq 60% Danmarkimik kiisalu 40% Joint Financing-imit. Joint Financemut isumaqatigiissut atorunnaarsinneqassappat, taava naatsorsuutigineqarnerluni FIC-ip siumoortumik aningaasanik isertinngitsuukkanik matussusiisinaanera?

Akissut:

Silaannartap timmisartunut ingerlaarfiup aqunneqarnerata Naalagaaffimmit tiguneqar-nissaa pillugu misissueqqissaarnerup ingerlaqqinnerani tamani paasiniarneqassaaq. Suliaq ima suli annertutigilersimannngilaq, Naalakkersuisut siunissami aningaasalersui-nissamut tunngasunik akissuteqarsinnaallutik.

3. Silaannartap timmisartunut ingerlaarfiup aqunneqarnerata (Sønderstrøm flyveinformations region (FIR)) tiguneranut atatillugu, Namminersorlutik Oqartussat pilersaaruteqarnerpat Naviar-ip akisussaaffik tigussaneraa? Taamannak ilusilerlugu Kalaallit Nunaata suliamik tigusineratut oqaatigineqarsinnaanerpa? Namminersorlutik Oqartussat periarfissanik allanik misissuisimappat?

Akissut:

Matuma siuliani nassuiaatigineqartutut, silaannartamut timmisartunut ingerlaarfimmut naalagaaffeqatigiit oqartussaasutut suliassanik tigusisinaaneranik misissueqqissaar-nissaaq siunertarineqarpoq. Pissutsit sukumiisumik suliassartaallu misissueqqissaarnik-kut misissorneqassapput, taakkunungalu silaannakkut angallannermik aqutsinerpiami ingerlasussamik toqqaanissamut tunngasut ilaatinneqarput.

4. Namminersorlutik Oqartussat Kalaallit Nunaani pigineqartumik selskabimik silaannartap timmisartunut ingerlaarfiup aqunneqarneranik ingerlatsisinaanassamik pilersitsisinaanissamik periarfissanik misissuisimanerpat? Taamaaliornikkut Kalaallit Nunaat sammisamut periarfissanik tunngatillugu piginnaasamik ilisimasanillu ineriartortitsisinaanera taamaalilluni Kalaallit inuiaqatigiit iluaqutissaannik isertitsissutaasinnaasumik pilersitsissalluni, suliffeqarfimmut Danmarkimiittumut akiliutit ingerlatinngikkaluarlugit.

Akissut:

UKA2015-imi immikkoortup suliarineqarneranut atatillugu aamma oqaatigineqartutut, silaannartap timmisartunut ingerlaarfiup aqunneqarnerani isertitaqartoqarpoq, taakkulu ICAO-imi aalajangersakkani maleruagassiorneqarput. Taakkunani allassimavoq, akit-suutinik, aningaasartuutit silaannakkut angallannermut kiffartuussinerup ingerlaannar-nissaanut pisariaqartinneqartut nalinginik taamaallaat akiliisitsisoqassasoq. Siunissami suliassat isumagineqarnerisa Kalaallit Nunaannut nuunneqarnissaat kissaa-tiginarsinnaagaluartoq pillugu isummernerimut Naalakkersuisut isumaqataapput, naak

najoqqutassat, tassungalu ilanngullugu kalaallit ingerlatseqatigiiffiannik sukumiinerusumik misissuinissaq pisariaqaraluartoq. Tamanna pissappat atortussat piginnaanerillu pisariaqartinneqartut, tassungalu ilanngullugu kalaallit timmisartortitsinermi aqutsisutut ilinniartitaanerat inerisarneqartariaqarput, Naalakkersuisullu piffissap ingerlanerani misissuinerмик suliniuteqarnissamut pisareersimapput.

Inussiarnersumik inuulluaqqusillunga

Knud Kristiansen